

Kalaallit Nunaata Radioanut (KNR) ileqqoreqqusat pillugit Namminersornerullutik Oqartussat nalunaarutaat

Radiukkut tv-kkullu aallakaatitsisarneq pillugu Inatsisartut peqqussutaanni nr. 6, 14. november 2004-meersumi § 32, imm. 4 naapertorlugu aalajangersarneqarput:

Ateq, angerlarsimaffik siunertarlu

§ 1. Kalaallit Nunaata Radioa (KNR) pisortat suliffeqarfiutigaat namminersortoq.

Imm. 2. KNR Nuup kommuniani angerlarsimaffeqarpoq.

§ 2. KNR-ip siunertarai radiukkut tv-kkullu aallakaatitsisarneq kiisalu internettikkut toqqaannartumik attavigineqarsinnaasukkut aallakaatitsisarneq.

Imm. 2. Aallakaatitsineq radioqarfiit, matumani aamma satellittit, imaluunniit antennit ataatsimoorussat kiisalu attaveqaatit elektroniskiusut allat, soorlu internetti assigisaaluunniit atorlugit pisinnaavoq.

Imm. 3. Radiukkut tv-kkullu aallakaatitassiat sullissinerillu imarisaat KNR-imit aallakaatitassiaasinnaapput avataaniilluunniit pisiaasinnaallutik.

KNR-ip ingerlatsinera

KNR-ip innuttaasunik kiffartuussinera

§ 3. KNR suliffeqarfiuvoq innuttaasunik kiffartuussisoq, tak. Inatsisartut peqqussutaanni nr. 6, 14. november 2004-meersumi §§-it 20-miit 26-mut.

Imm. 2. KNR-ip innuttaasunik kiffartuussinermi pisussaaffittut naammassisassaasa annertussusii qanorlu ittuuneri Naalakkersuisut aamma KNR-ip innuttaasunik kiffartuussinermik isumaqatigiissutaanni erseqqinnerusumik aalajangersarneqartassapput, tak. peqqussummi § 28.

Imm. 3. Isumaqatigiissut imm. 2-mi taaneqartoq taamaallaat KNR-ip innuttaasunik kiffartuussinernik imaqarpoq, tassalu KNR-ip ingerlataanut allamut tunngassuteqarani, tak. § 5 aamma peqqussummi § 29.

Imm. 4. KNR innuttaasunik kiffartuussineq pillugu isumaqatigiisummik naammassinnineq pillugu nassuiaammik kultureqarnermut pisortaqaqfimmu aamma Radio- tv-lu pillugit aalajangiisartunut nassiuineqartartussamik ukiut tamaasa suliaqartassaaq, tak. peqqussummi § 28, imm. 5.

Imm. 5. Nassuiaat imm.4-mi taaneqartoq pissusiviusunik oqaluttuartsuusaq tamakkiisuussallunilu, aamma kultureqarnermut pisortaqaqfiup pisussaaffigaa pissutsit anguniakkanut isumaqatigiisummi taaneqartunut naapertuutinnigitsut ingerlaavartumik uparuartassallugit.

§ 4. Aallakaatitat aningaasalersorneqartut, radiukkut tv-kkullu aallakaatitsisarneq pillugu Inatsisartut peqqussutaanni kiisalu radiumi tv-milu pilerisaarutit aallakaatitassianillu aningaasalersuisarnerit pillugit

Namminersornerullutik Oqartussat nalunaarutaanni maleruagassat malillugit KNR-ip innuttaasunik kiffartuussilluni aallakaatitsisarnerani ilaasinnaapput.

Ingerlataq alla

§ 5. KNR allanik aallakaatitassiornermik ingerlataqarsinnaavoq, matumani aamma suliffeqarfiup tusagassiornermik ingerlatat iluanni immikkut paasisimasalittaasa il.il. iluaqutigineqarnissaat siunertaralugu, tak. radiukkut tv-kkullu aallakaatitsisarneq pillugu Inatsisartut peqqussutaat.

Imm. 2. Ingerlataq imm. 1-imi taaneqartoq unammilleqatigiinnermi atugassarititaasut tun-ngavigalugit ingerlanneqassaaq.

Imm. 3. KNR ilinniarfiit pioreersut unammillerlugit ilinniartitsineramik ingerlataqarsinnaanngilaq.

§ 6. Pilerisaarutit aallakaatitanillu aningaasalersuisarnerit, radiukkut tv-kkullu aallakaatitsisarneq pillugu Inatsisartut peqqussutaanni kiisalu radiumi tv-milu pilerisaarutit aallakaatitassianillu aningaasalersuisarnerit pillugit Namminersornerullutik Oqartussat nalunaarutaanni maleruagassat malillugit KNR-ip allanik aallakaatitassiornermik ingerlatsinerani ilaasinnaapput.

KNR-ip aaqqissuussaanera

Siulersuisut

§ 7. KNR siulersuisunit 7-inik ilaasortaqtartunit siulersorneqarpoq, siulersuisuni siulittaasoq ilaasortarlugu alla ataaseq Naalakkersuisunit toqqagaasarlutik. Ilaasortat sinneri Inatsisartut peqqussutaanni § 31-mi maleruagassat naapertorlugit inassuteqartoqarneratigut Naalakkersuisunit toqqarneqartarput.

Imm. 2. Siulersuisut tamarmiullutik tusagassiorneq, kultureqarneq, pisortatut aqutsineq inuussutissarsiornerlu paasisimasaqarfigissavaat, tak. radiukkut tv-kkullu aallakaatitsisarneq pillugu Inatsisartut peqqussutaanni § 31, imm. 4, oqaaseqatigiit siulliit.

Imm. 3. Siulersuisuni ilaasortat, siulittaasoq kisiat pinnagu, tamarmik immikkut sinniisussaannik toqqaasoqartassaaq. Siulersuisuni ilaasortaq tunuarpat, soraarsitaappat piffissamiluunniit sivisuumi peqanngippat taassuma sinniisussaa siulersuisuni ilaasortaq taarserlugu ilanngutissaaq. Sinniisussatut toqqaagaasoq siulersuisuni aalajangersimasumik ilaasortanngorpat sinniisussamik nutaamik toqqaasoqassaaq.

Imm. 4. Naalakkersuisut siulittaasoq tunuarpat soraarsitaappalluunniit siulittaasumik nutaamik toqqaassapput.

Imm. 5. Naalakkersuisut siulersuisuni ilaasortaq sinniisussarluunniit ilanngussimasooq piffissami toqqaagaaffimmi soraarsissinnaavaat, pineqartup siulersuisutut akisussaaaffini annertuumik sumiginnarpagu allatulluunniit siulersuisuni issianissaminut imminut piukkunnarunnaarsissimappat.

Imm. 6. Siulersuisut radiukkut fjernsynikkullu aallakaatitsisarneq pillugu Inatsisartut peqqussutaanni nr. 3, 17. maj 1990-imeersumi maleruagassat malillugit toqqarneqarsimasut siulersuisunik nutaanik ullormi 1. november 2005-imi toqqaasoqarnissaata tungaanut issiaannassapput, tak. radiukkut tv-kkullu aallakaatitsisarneq pillugu Inatsisartut peqqussutaanni § 62.

§ 8. Siulittaasoq imaluunniit taanna peqanngippat siulittaasup tullia siulersuisut sinnerlugit atsiortassaaq.

§ 9. Siulersuisut KNR-ip siulersuisorai qullerpaat. Siulersuisut suliffeqarfiup ingerlatsinera pillugu aalajangersakkat malinneqarnissaannut akisussaanerpaapput, matumani aamma KNR-ip innuttaasunik kiffartuussinnermut isumaqatigiisummik eqquutsitsisinissaanut akisussaallutik.

Imm. 2. Siulersuisut aallakaatitsisarnermut nalinginnaasumut aallakaatitassianulluunniit ataasiakkaanut akuliussinnaanngillat, suliffeqarfulli ingerlatsinerani malittarisassanik pingaarnernik aalajangersaasussaallutik.

Imm. 3. Siulersuisut pisortamik atorfinitsitsisartuullutillu soraarsitsisartuupput.

§ 10. Siulersuisuni ilaasortat, Kalaallit Nunaata Radioani siulersuisut kajumissaatisiaqartinneqartarnerat aningaasartuutiminnullu taartisiaqartinneqartarnerat pillugu Namminersornerullutik Oqartussat nalunaarutaanni maleruagassat naapertorlugit kajumissaatisiaqartinneqartarput siulersuisunilu sulinermut atatillugu aningaasartuutiminut, matumani ilaatigut angalanernut, nerisaqarnermut najugaqarnermullu taartisiaqartinneqartarlutik, taanna radiukkut tv-kkullu aallakaatitsisarneq pillugu Inatsisartut peqqussutaat tunngavigalugu maleruagassiornikkut taarserneqarserlugu atorunnaarsinneqarserluguluunniit.

Siulersuisut ataatsimiittarneri il.il.

§ 11. Siulersuisut aalajangigassatik siulersuisut ataatsimiinnerini aalajangertassavaat.

Imm. 2. Siulersuisut aalajangiussaat amerlanerussuteqarnikkut aalajangerneqartassapput. Taasinerit naligiitsillugit siulittaasup taasinera aalajangiisuusassaaq.

Imm. 3. Siulersuisut kvartalimut minnerpaamik ataasiarlutik ataatsimiittassapput.

§ 12. Siulersuisuni ilaasortat affaat sinnerlugit najuuppata siulersuisut aalajangiisinnaassuseqassapput. Suliassalli aalajangiiffigissallugit utaqqinneqarnissaat annertuumik akornutaassatillugu ilaasortat ikinnerusut najuutsillugit aalajangiisoqarsinnaavoq. Suliap qanoq inerneqarsimanera siulittaasup tullissaanik ataatsimiinnermi nalunaarutigissavaa.

Imm. 2. Suliassaq aalajangiisinnaassuseqannginneq pissutigalugu kinguartinneqarsimasoq tullissaanik ataatsimiinnermi aalajangiiffigineqarsinnaavoq, siulersuisut imm. 1 naapertorlugu aalajangiisinnaassuseqanngikkaluarpataluunniit.

§ 13. Siulersuisut ataatsimiinnissaannut piffissat sumilu pinissaat siulersuisut siulittaasuata aalajangertassavai, ataatsimiinnerni oqaluuserisassat aalajangersartarlugit ataatsimiinnerillu aqullugit. *Imm. 2.* Siulersuisuni ilaasortat ikinnerpaamik pingasut imaluunniit pisortap tamanna piumasarippassuk, siulittaasoq ataatsimiinnissamik kissaatigisap tunngavilersorneqartup saqqummiunneqarneraniit kingusinnerpaamik ullut 14-it qaangiunneranni ataatsimiigiaqqusissaaq.

Imm. 3. Siulersuisut siulittaasuata siulersuisut ataatsimiinnerini peqataasinnaanngikkaangat siulittaasup tullia siulittaasuusassaaq.

§ 14. Siulersuisut ataatsimiinneri matoqqasuupput, taamaattorli tak. imm. 2.

Imm. 2. Siulersuisuni ilaasortat ikinnerpaamik sisamat tamanna piumasarippassuk ataatsimiinneq ammasuusaaq.

Imm. 3. Pisortaq siulersuisut ataatsimiinnerini najuuttassaaq, isumaqatigiinniarnernilu peqataasinnaatitaalluni. KNR-imi sulisuusut allat siulersuisuni siulittaasup pisortallu isumaqatigiissuteqareernerisigut aatsaat peqataasinnaapput.

Imm. 4. Siulersuisut siulittaasuata aalajangertassavaa suliassaq aalajangersimasoq, suliassat suliarineqartarnerat pillugu inatsit naapertorlugu nipangiussisussaataaneq pillugu maleruagassani ilaatinneqarnersoq.

Imm. 5. Siulersuisut aalajangertassavaat ilaasortaq inulluunniit siulersuisut ataatsimiinnerini peqataasoq,

suliassat suliarineqartarnerat pillugu inatsit naapertorlugu tutsuiginanngissuseq pillugu maleruagassani ilaatinneqarneris.

§ 15. Siulersuisut ataatsimiinneri imaqaqarniliorneqartassapput, kalaallisuui qallunaatuuilu imaqaqarniliat akuersissutigivinneqarnerisa kingorna kingusinnerpaamik sap.ak. 2-t qaangiunneranni kultureqarnermut pisortaqarfimmut ilisimatitsissutitut nassiunneqartassallutik.

Imm. 2. KNR siulersuisut ataatsimiinnerini allatseqartitsisassaaq.

§ 16. Siulersuisut aammattaaq suleriaasissatik nammineq aalajangersartassavaat. Suleriaasissat kultureqarnermut pisortaqarfimmut ilisimatitsissutitut nassiunneqassapput.

Pisortaq

§ 17. KNR-p pisortaata aallakaatitsisarneq nalinginnaasooq akisussaaffigaa, KNR-illu nali-nginnaasumik aningaasatigullu aquunneqarnera isumagalugu. Suliffeqarfimmut maleruagassat atuuttut aamma malittarisassat siulersuisunit aalajangersarneqartut naapertorlugit aqutsisoqarnissaa pisortap qulakkiigassaraa, tak. radiukkut tv-kkullu aallakaatitsisarneq pillugu Inatsisartut peqqussutaanni § 33, imm. 1.

Imm. 2. KNR-ip nalinginnaasumik ingerlanneqarneranut malittarisassat erseqqinnerusut pisortap aalajangersassavai.

§ 18. Pisortaq siulersuisut sinnerlugit KNR-ip aningaasaataanik, tassunga periarfissarititatut aalajangersakkat iluanni aqutsissaaq KNR-ilu sinnerlugu atsiorsinnaalluni, matumani aamma isumaqatigiissuteqartoqartillugu.

Imm. 2. Pisortap aalajangersassavaa KNR-ip pigisai nammineq sinnerluni kimit aquunneqarsinnaanersut, tak. imm. 1. Aammattaaq bilaginik atsiorsinnaanermut akuersisinnaanermullu maleruagassat pisortap aalajangersassavai.

§ 19. Pisortaq KNR-imi sulisuusunik, matumani aamma pisortat sinnerinik, atorfinitsitsisartuullunilu soraarsitsisartuuvoq.

§ 20. Pisortaq makku pillugit siunnersuutini siulersuisut aalajangiiffigisassaannik saqqummiussisassaaq:

- 1) KNR-ip ingerlatsineranut maleruagassanik nalinginnaasunik aalajangersaanissaaq, tak. § 9, imm. 2.
- 2) Missingersuutitut siunnersuutit, tak. § 29, imm. 1, ukiunut tulluuttunut sisamanut missi-ngersuutaagallartut, tak. § 29, imm. 3, ukiumoortumik naatsorsuutit, tak. § 32, missingersuutit, tak. § 31 aamma aningaasaatitigut sillimmatit.
- 3) KNR-ip naatsorsuusiornissaanut ilitsersuut, tak. § 32, imm. 2, matumani aamma KNR-ip aningaasaataasa inissinnissaannut maleruagassat KNR-ip aningaasaqarnikkut aqutsineranut naatsorsuusiortarneranullu malittarisassanik pingaarnernik aalajangersaasut.
- 4) Sulisuusut siulersuisuni ilaasortassamik toqqaasarnissaannut maleruagassat, tak. radiukkut tv-kkullu aallakaatitsisarneq pillugu Inatsisartut peqqussutaanni § 31, imm. 1, nr. 5.
- 5) Ileqqoreqqusani allannguutissat pillugit siunnersuutit, tak. § 35.
- 6) Suliassat pisortap siulersuisunit aalajangiiffigisariaqartutut pingaaruteqarsorisai.

Imm. 2. Pisortaq aammattaaq suliassanut siulersuisunit suliarineqartartunut tamanut tunngasut pillugit siulersuisunut siunnersuuteqartarsinnaavoq, suliassat pisortamik atorfinitsitsinermut soraarsitsinermullu tunngasut kisiisa pinnagit.

§ 21. Pisortap suliat siulersuisunut ilisimatitsissutigisariaqartutut pingaaruteqarsorisani siulersuisunut ilisimatitsissutitut saqqummiuttassavai.

Naammagittaalliuutit il.il.

§ 22. KNR-ip suliassani suliffeqarfiup ingerlatsineranut tunngasuni aalajangiineri allaffeqarfikkoortumik oqartussaasunut allanut naammagittaalliuutigineqarsinnaanngillat, taamaattorli tak. § 23 aamma § 24, imm. 3-miit 5-imut.

§ 23. KNR-ip suliassani torersumik tusagassiornissaq akissuteqarsinnaanerlu pillugit aalaja-ngiineri, tak. § 24, imm. 1 aamma 2, tusagassiornermi akisussaaneq pillugu inatsimmi taakku pillugit maleruagassat malillugit Kalaallit Nunaanni Tusagassiuutit pillugit aalajangiisartunut suliassanngortinneqarsinnaapput. *Imm. 2.* KNR-ip pilerisaarutitut aallakaatitanullu aningaasalersuisoqartarneranut tunngatillugu periusii pillugit naammagittaalliuutit, ilanngussap aallakaatitalluunniit allakaatinneqarneraniit kingusinnerpaamik sap.ak. 4-t qaangiunneranni Radio- tv-lu pillugit aalajangiisartunut suliassanngortinneqarsinnaapput, tak. radiukkut tv-kkullu aallakaatitsisarneq pillugu Inatsisartut peqqussutaat.

§ 24. Tusagassiornermi akisussaaneq pillugu inatsisip tusagassiuutit imarisaasa periusiisalu torersumik tusagassiornermi naapertuuttuunissaannik aalajangersagaasa KNR-imit unioqqutinneqarneri pillugit naammagittaalliuutit tamanut tusarliussinnermiit kingusinnerpaamik sap.ak. 4-t qaangiunneranni KNR-imut nassiunneqassapput.

Imm. 2. Akissuteqarsinnaanermik qinnuteqaat paasissutissat piviusut akissuteqarfiginiakkat tamanut tusarliunneqarneranniit kingusinnerpaamik sap.ak. 4-t qaangiunneranni pisortamut allakkatigut saqqummiunneqassaaq.

Imm. 3. Akissuteqarsinnaanermik itigartitsissut akissuteqarsinnaajumalluni qinnuteqartumut allakkatigut sapinngisamik piaarnerpaamik nalunaarutigineqassaaq, ilisimatillugu itigartitsissut itigartitsinerup nalunaarutigineqarneraniit kingusinnerpaamik sap.ak. 4-t qaangiunneranni Kalaallit Nunaanni Tusagassiuutit pillugit aalajangiisartunut suliakkiutigineqarsinnaasoq.

Imm. 4. Tamakkiisuunngitsumik akissuteqarneq pillugu naammagittaalliuut, taassuma tamanut tusarliunneqarneraniit kingusinnerpaamik sap.ak. 4-t qaangiunneranni Kalaallit Nunaanni Tusagassiuutit pillugit aalajangiisartunut suliakkiutigineqarsinnaavoq.

Imm. 5. Naammagittaalliornissamut maleruagassat erseqqinnerusut tusagassiornermi akisussaaneq pillugu inatsisip Kalaallit Nunaanni atuutilersinneqarnera pillugu peqqussummi kapitali 5-imiit 7-imut atuarneqarsinnaapput.

§ 25. Aallakaatitat tamarmik assilineqarnerisa qaammatini pingasuni isumannaatsumik toqqortarineqarnissaat pisortap qulakkiigassaraa.

Imm. 2. Naammagittaalliortoqarsimappat imaluunniit aallakaatitap imarisaa pillugu suliakkiisoqarsimappat piffissaliussaq imm. 1-imi taaneqartoq qaangiutereeraluarpalluunniit, aallakaatitap assilineqarnera suliassap naammassillugu aalajangiiffigineqarnissaa tikillugu toqqortarineqassaaq.

§ 26. Naammagittaalliuutit tiguneqarnerminni sapinngisamik piaarnerpaamik, nalinginnaasumillu naammagittaalliuutit KNR-imut takkunneranniit sap.ak. 4-t ingerlaneranni suliarineqartarnissaat pisortap akisussaaffigaa, tusagassiornermi akisussaaneq pillugu inatsimmi allatut allassimasoqanngippat.

§ 27. KNR-ip isiginnaartartut tusarnaartartullu saaffiginnissutaannik, matumani aamma aallakaatitat sullissinerillu pillugit naammagittaalliuutinik suliqaartarnermini malittarisassat tamanut saqqummiutissavai.

Aningaasalersugaaneq

§ 28. KNR-ip ingerlatsinera landskarsimit tapiissutit, pilerisaarutit, aallakaatitat aningaasalersorneqartut aamma ingerlatamit allamit isertinneqarsimasinnaasut aqutugalugit aningaasalersugaavoq, tak. radiukkut tv-kkullu aallakaatitsisarneq pillugu Inatsisartut peqqussutaanni § 35, imm. 1.

Imm. 2. Landskarsimit ukiumoortumik tapiissutit ukiup aningaasanut inatsiseqarfiup tulliani aningaasanut inatsisissap akuersissutigineqarnerani Inatsisartunit aalajangersarneqartarput, tak. radiukkut tv-kkullu aallakaatitsisarneq pillugu Inatsisartut peqqussutaanni § 35, imm. 2.

Missingersuutit

§ 29. Siulersuisut, piffissaliussap Naalakkersuisunit aalajangersarneqarsimasup qaangiutinnginnerani, ukiumut aningaasanut inatsiseqarfiusumut tullermut missingersuutitut siunnersuummik isertitariusumaagassatut, aningaasartuutigiumaagassatut sanaartornermullu aningaasartuutigiumaagassatut kiisalu ukiut ninneranni pigisat akiitsullu annertussuseriumaagassaat naatsorsuutigisanik imaqtumik kultureqarnermut pisortaarfimmut ukiut tamaasa tunniussisassapput. Siulersuisut landskarsip ukiumut aningaasanut inatsiseqarfiusumut taaneqartumut tapiissutissaasut siunnersuut tassunga ilutigitillugu tunniuttassavaat, tak. radiukkut tv-kkullu aallakaatitsisarneq pillugu Inatsisartut peqqussutaanni § 36, imm. 1.

Imm. 2. Siulersuisut missingersuutitut siunnersuutaat Namminersornerullutik Oqartussat missingersuusiornermut maleruagassiaat taakkulu pillugit aalajangersakkat allat sukkulluunniit atuuttut naapertorlugit suliarineqartassaaq. Nammineq isertitariusumaagassatut taakkunun-ngalu atasumik aningaasartuutigiumaagassatut naatsorsuutigisat immikkut nassuiaatigineqartassapput.

Imm. 3. Missingersuutitut siunnersuutip imarissavaa missingersuutitut kingullerpaanut sanilliullugu aammalu siusinnerusukkut missingersuutaagallartunut sanilliullugu allannguutit pillugit nassuiaat. Siunnersuut ukiunut tuliiuttunut sisamanut missingersuutaagallartunik ilaqartinneqassaaq. Missingersuutitut siunnersuut missingersuutaagallartullu, missingersuusiornermi tunngavigisat makku pillugit nassuiaammik imaqqassapput:

- 1) Sanaartornermi aningaasartuutitut tunngatillugu nalunaarneqassaaq aningaasartuutit KNR-ip piffissami missingersuusiorniusumut tamarmiusumut aningaasaliissuteqarnissaanut pilersaarutitut qanoq ittumik ilaatinneqarnersut.
- 2) Ingerlatsinermut aningaasartuutitut tunngatillugu piffissamut missingersuusiorniusumut tamarmiusumut, ukiumoortumik naatsorsuutitut kingullerpaanut sanilliussilluni nalunaarneqassapput aallakaatitsisarnissatut pilersaarutigineqartut pingaarnersaasa immikkoortunut pingaarnernut agguataarneqarneri.
- 3) Kiisalu missingersuutaagallartuni immikkut naliliiffigineqassaaq nammineerluni isertitariusumaagassatut naatsorsuutigisat qanoq ineriartussanganinneqarnerat.

Imm. 4. Sanaartornermi aningaasartuutitut imm. 1-imi aamma imm. 3, nr. 1-imi taaneqartunut ilaangillat illuliornermut aningaasartuutit.

§ 30. Siulersuisut missingersuutitut siunnersuutip tamarmiusup ilaatut tunniutissavaat allatut aallakaatitsisarnissamut missingersuutitut aamma ingerlatamik allamik ingerlataqarnissamut missingersuutitut immikkut siunnersuut, matumani ingerlatamik allamik ingerlataqarnerit assigiinngitsut

ataasiakkaat pillugit immikkut missingersuutit, tak. radiukkut tv-kkullu aallakaatitsisarneq pillugu Inatsisartut peqqussutaanni § 36, imm. 2.

§ 31. Tapiissutit Inatsisartunit akuersissutigineqartut qissimigaarlugit ukiumut aningaasanut inatsiseqarfiusumut missingersuutit siulersuisunit suliarineqartassapput. Missingersuutit ukiup aningaasanut inatsiseqarfiusup aallartinnginnerani kultureqarnermut pisorta qarfimmu ilisimatitsissutitut nassiunneqassapput.

Naatsorsuutit kukkunersiuinerlu

§ 32. KNR-ip ukioq naatsorsuusiortia tassaavoq ukioq aningaasanut inatsiseqarfik. KNR-ip missingersuusiorteq, naatsorsuuserineq naatsorsuutinillu saqqummiussineq pillugit Namminersornerullutik Oqartussat sukkuulluunniit aalajangersagaat malissavai, tak. radiukkut tv-kkullu aallakaatitsisarneq pillugu Inatsisartut peqqussutaanni § 37, imm. 1.

Imm. 2. KNR-ip naatsorsuuserinermut ilitsersuutai siulersuisut aalajangersassavaat.

Imm. 3. Naatsorsuutit KNR-ip innuttaasunik kiffartuussilluni ingerlatsineranut, allatut aallakaatitassiorneranut kiisalu ingerlatamik allamik ingerlatsineranut immikkut naatsorsuutininik, matumani aamma ingerlatamik allamik ingerlataqarnerit assigiinngitsut ataasiakkaat pillugit immikkut naatsorsuutininik imaqaassapput, tak. radiukkut tv-kkullu aallakaatitsisarneq pillugu Inatsisartut peqqussutaanni § 37, imm. 2.

§ 33. Pisortap ukiumoortumik naatsorsuutit suliarisassavai, akuersissannorlugillu siulersuisunut saqqummiuttassallugit.

Imm. 2. Ukiumoortumik naatsorsuutit siulersuisunit akueringeqarsimasut Namminersornerullutik Oqartussat kukkunersiuissuannit kukkunersiorneqartassapput, tak. radiukkut tv-kkullu aallakaatitsisarneq pillugu Inatsisartut peqqussutaanni § 37, imm. 4.

Imm. 3. Siulersuisut kukkunersiuissut nalunaarusiaat pisortallu tassunga oqaaseqaatigiunnagai isummerfigisassavaat.

Imm. 4. Siulersuisut, piffissaliussap Naalakkersuisunit aalajangersarneqartup nallinginnerani ukiumoortumik naatsorsuutit kukkunersiorneqarsimasut kukkunersiuissup oqaaseqaataanik ilaqartillugit kultureqarnermut pisorta qarfimmu, Naalakkersuisunut akuersissannorlugit saqqummiussissussumut nassiuttassavaat. Naalakkersuisut tamatuma kingorna ukiumoortumik naatsorsuutit ilisimatitsissutitut Inatsisartunut nassiuttassavaat, tak. radiukkut tv-kkullu aallakaatitsisarneq pillugu Inatsisartut peqqussutaanni § 37, imm. 5.

Imm. 5. Siulersuisut naatsorsuutininik Naalakkersuisunut saqqummiussinerminnut ilutigitillugu naatsorsuutit tamanut tusarliutissavaat, tak. radiukkut tv-kkullu aallakaatitsisarneq pillugu Inatsisartut peqqussutaanni § 37, imm. 6.

Isumaqaatigiissutit il.il.

§ 34. Aningaasaqarnermut Pisorta qarfiup isumaqaatigiissutissanik isumaqatigininniuteqartarnermut immikkoortortaata isumaqaatigiissutissanik isumaqatigininniuteqartarneq Naalakkersuisut sinnerlugit isumagisassavaa.

Imm. 2. Isumaqaatigiissutit naapertorlugit atorfinitsinneqarsimasunut tjenestemandinullu akissarsiatigut isumaqaatigiissutitigullu atugassarititaasut nalinginnaasut kattuffiit isumaqatigininniussisinnaasut isumaqaatigiissuteqarfiginerisigut aalajangersarneqartassapput.

Imm. 3. Atorfinititsisoqarnerani soraarsitsisoqarneranilu malinneqartassapput atorfinitsitsisarnermi tunngavissat nalinginnaasut aamma suliasat suliarineqartarnerat pillugu inatsisip kiisalu paasitinneqarsinnaatitaaneq pillugu inatsisip pisortat ingerlatsinerat pillugu maleruagassartaat.

Ileqqoreqqusanik allanngortitsineq

§ 35. Ileqqoreqqusat uku allanngortinneqarnissaat pillugu siunnersuummik siulersuisut Naalakkersuisunut saqqummiussisinnaapput.

Atortuulertik

§ 36. Nalunaarut una ulloq 1. august 2005-imi atortuulissaaq. Tassunga ilutigitillugu atorunnaarsinneqarpoq Kalaallit Nunaata Radioanut ileqqoreqqusat pillugit Namminersornerullutik Oqartussat nalunaarutaat nr. 2, 24. januar 1991-imeersoq.

Namminersornerullutik Oqartussat, ulloq 1. juli 2005

Henriette Rasmussen

/

Lise Lennert Olsen

Namminersorlulik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlulik Oqartussat inatsisinut toqqorsiviat

Naalakkersuisut

